



## CABINET

### COFNODION Y CYFARFOD AML-LEOLIAD A GYNHALIWYD YN NHŶ PENALLTA AR MICROSOFT TEAMS AR DYDD MERCHER 19 EBRILL 2023 AM 1PM

YN BRESENNOL:

Cynghorydd S. Morgan – Cadeirydd

Cynghorwyr:

J. Pritchard (Aelod Cabinet dros Ffyniant, Adfywio a Newid Hinsawdd), S. Cook (Aelod Cabinet dros Dai), N. George (Aelod Cabinet Gwasanaethau Corfforaethol ac Eiddo), E. Forehead (Aelod Cabinet Gofal Cymdeithasol), P. Leonard (Aelod Cabinet Cynllunio a Gwarchod y Cyhoedd), C. Morgan (Aelod Cabinet dros Wastraff, Hamdden a Mannau Gwyrdd) ac E. Stenner (Aelod Cabinet Cyllid a Pherfformiad), J. Simmonds (Aelod Cabinet Prifffyrdd a Thrafnidiaeth)

Ynghyd â:

C. Harrhy (Prif Weithredwr), M.S. Williams (Cyfarwyddwr Corfforaethol yr Economi a'r Amgylchedd), R. Edmunds (Cyfarwyddwr Corfforaethol Addysg a Gwasanaethau Corfforaethol).

Hefyd yn Bresennol:

S. Harris (Pennaeth Gwasanaethau Ariannol a Swyddog Adran 151), R. Tranter (Pennaeth Gwasanaethau Cyfreithiol a Swyddog Monitro), S. Richards, (Pennaeth Cynllunio a Strategaeth Addysg), A. West (Rheolwr Ysgolion yr 21ain Ganrif, Derbyniadau a Gwaharddiadau), C. Davies (Rheolwr Tai Sector Preifat), F. Wilkins (Rheolwr Gwasanaethau Tai), A. Lewis (Swyddog Prosiect Trawsnewid) C. Edwards (Rheolwr lechyd yr Amgylchedd), R. Hartshorn (Pennaeth Gwarchod y Cyhoedd, Gwasanaethau Cymunedol a Hamdden), S. Ellis (Arweinydd Cynhwysiant ac ADY), P. Cook (Rheolwr Trawsnewid (Arweinydd) – Datgarboneiddio), K. Cole (Prif Swyddog Addysg) a J. Thomas (Swyddog Gwasanaethau Pwyllgor).

### COFNODI A THREFNIADAU PLEIDLEISIO

Atgoffodd yr Arweinydd y rhai oedd yn bresennol fod y cyfarfod yn cael ei ffrydio'n fyw, ac y byddai recordiad ar gael i'w weld ar wefan y Cyngor, ac eithrio ar gyfer trafodaethau yn ymwneud ag eitemau cyfrinachol neu wedi'u heithrio. [Cliciwch Yma i Wyllo](#).

#### 1. YMDDIHEURIADAU AM ABSENOLDEB

Derbyniwyd ymddiheuriad am absenoldeb oddi wrth Mr D. Street (Cyfarwyddwr Corfforaethol Gwasanaethau Cymdeithasol a Thai)

## 2. DATGANIADAU O FUDDIANT

Datganodd Mr M.S. Williams (Cyfarwyddwr Corfforaethol dros yr Economi a'r Amgylchedd) fuddiant yn Eitem 10 ar yr Agenda - Cynnig Band B Cymunedau Cynaliadwy ar gyfer Dysgu - Diweddariad Ysgol Cae'r Drindod gan ei fod yn Aelod o Bwyllgor Clwb Rygbi Penallta a gadawodd y cyfarfod pan drafodwyd yr eitem hon.

## 3. COFNODION - 5 Ebrill 2023

PENDERFYNWYD cymeradwyo cofnodion y cyfarfod a gynhaliwyd ar 5 Ebrill 2023 fel cofnod cywir.

## 4. BLAENRAGLEN WAITH Y CABINET – I'W NODI

Rhodddwyd Blaenraglen Waith i'r Cabinet, a oedd yn nodi amserlenni'r adroddiadau a fyddai'n dod gerbron y Pwyllgor hyd nes 26 Gorffennaf 2023.

Yn amodol ar ychwanegu adroddiad ar 17 Mai mewn perthynas â diweddariad ar y Strategaeth Datgarboneiddio ac adroddiad ychwanegol ar 14 Mehefin mewn perthynas â Chynllun Prifffyrdd Troeon Wylie.

Yn dilyn ystyriaeth a thrafodaeth, cynigiwyd ac eiliwyd y dylid nodi'r Blaenraglen Waith. Cytunwyd ar hyn yn unfrydol drwy godi dwylo.

## 5. STRATEGAETH TOILED AU LLEOL

Nododd y Cabinet fod yr adroddiad wedi'i gymeradwyo gan Bwyllgor Craffu'r Amgylchedd a Chynaliadwyedd ar 21 Mawrth 2023.

Rhodddwyd ystyriaeth i'r adroddiad a oedd yn gofyn am gymeradwyaeth y Cabinet mewn perthynas â mabwysiadu a chyhoeddi canfyddiadau'r Strategaeth Toiledau Lleol wedi'u diweddarau.

Roedd y Cabinet yn falch o nodi bod Cyngor Bwrdeistref Sirol Caerffi yn gweithredu 12 toiled yn 2012 a oedd ar agor i'r cyhoedd ym Mwrdeistref Sirol Caerffili. Mae'r Ap Map Toiledau Cenedlaethol a ddarparwyd gan Llywodraeth Cymru yn dangos bod y nifer bellach wedi cynyddu i 39, gyda llawer ohonynt mewn adeiladau a ddelir gan y Cyngor megis llyfrgelloedd a chanolfannau hamdden.

Cynigiwyd ac eiliwyd yn amodol ar argymhelliad ychwanegol (3) y dylid ychwanegu arwyddion at doiledau cyhoeddus a oedd yn cael eu rheoli'n ffurfiol gan Cyngor Bwrdeistref Sirol Caerffi ond sydd bellach yn cael eu rheoli gan eraill, gan gyfeirio defnyddwyr at doiledau eraill o fewn cyfleusterau Cyngor Bwrdeistref Sirol Caerffi (megis llyfrgelloedd). Dylai'r arwyddion hyn gynnwys amseroedd agor a chyfarwyddiadau ac os yw'n addas dylai'r arwydd hwn gynnwys cod QR sy'n gysylltiedig â Map Toiledau Cenedlaethol Llywodraeth Cymru. Nodwyd y dylid cymeradwyo'r argymhellion yn adroddiad y Swyddogion a chytunwyd yn unfrydol ar ffurf Microsoft Forms.

PENDERFYNWYD am y rhesymau a gynhwyswyd yn adroddiad y Swyddogion;

1. Cefnogi'r argymhellion a wnaed gan Bwyllgor Craffu'r Amgylchedd a Chynaliadwyedd a gynhaliwyd ar 21 Mawrth 2023.

2. Cymeradwyo canfyddiadau'r adolygiad a'r Strategaeth Toiledau Lleol wedi'i diweddarau gyda golwg ar fabwysiadu a chyhoeddi'r Strategaeth Toiledau Lleol wedi'i diweddarau.
3. Arwyddion i'w hychwanegu at doiledau cyhoeddus a oedd yn cael eu rheoli'n ffurfiol gan Cyngor Bwrdeistref Sirol Caerffi ond sydd bellach yn cael eu rheoli gan ddefnyddwyr eraill sy'n cyfeirio at doiledau eraill o fewn cyfleusterau Cyngor Bwrdeistref Sirol Caerffi (fel llyfrgelloedd). Dylai'r arwyddion hyn gynnwys amseroedd agor a chyfarwyddiadau ac, os yw'n addas, dylai'r arwyddion hyn gynnwys cod QR sy'n gysylltiedig â Map Toiledau Cenedlaethol Llywodraeth Cymru.

## **6. DIRPRWYAETH CEFNOGAETH YCHWANEGOL**

Rhodddwyd ystyriaeth i'r adroddiad a oedd yn rhoi'r wybodaeth ddiweddaraf i'r Aelodau ynghylch cynnydd yr Awdurdod Lleol mewn perthynas â dirprwyo cymorth ychwanegol i ysgolion a hefyd i ofyn am gymeradwyaeth y Cabinet i gymeradwyo'r dull gweithredu i'w ddefnyddio o ran archwilio dirprwyo cymorth ychwanegol i ysgolion a'r modelau gweithredu posibl.

Gofynnwyd am eglurhad ynghylch a fyddai'r dyraniad cyllid yn cydnabod materion o fewn ysgolion mewn ardaloedd lle mae tlodi ac amddifadedd, lle mae ymchwil wedi dangos bod plant ag anghenion dysgu ychwanegol ar lefel uwch. Gofynnwyd hefyd am eglurhad pellach ar sut olwg fyddai ar y model newydd.

Dywedodd yr Arweinydd Cynhwysiant ac ADY wrth y Cabinet ei bod yn bwysig cydnabod bod y cyllid hwn yn ychwanegol at y cyllid sydd gan ysgolion eisoes o fewn eu cyllideb a bod ysgolion yn gallu cael mynediad at gyllid pellach trwy grantiau ar gyfer materion penodol megis y Grant Amddifadedd Disgyblion.

Nododd y Cabinet, yn dilyn trafodaethau gyda'r 'Gweithgor', fod modelau wedi'u gosod allan a oedd fwyaf buddiol i gyllid ysgolion. Roedd pedwar opsiwn o ran modelau gweithredu. Mae modelau un a phedwar yn cael eu cadarnhau ar hyn o bryd gyda'r ysgolion, gan mai dyma'r modelau yr oedd athrawon wedi nodi'r diddordeb mwyaf ynddynt. Mae'r modelau hyn yn edrych ar ffigurau ysgol a nifer y disgyblion ar y gofrestr hefyd o ystyried maint yr ysgol.

Nododd y Cabinet ymhellach fod yr ymgynghoriad yn broses barhaus. Os oes ffactorau pellach y mae angen eu hystyried, bydd y rhain yn cael eu hystyried cyn cynnal ymgynghoriad pellach.

Yn dilyn ystyriaeth a thrafodaeth, cynigiwyd ac eiliwyd bod yr argymhellion yn yr adroddiad yn cael eu cymeradwyo, a chytunwyd ar hyn yn unfrydol drwy Microsoft Forms.

**PENDERFYNWYD** am y rhesymau a gynhwyswyd yn adroddiad y Swyddog;

1. Ystyried y wybodaeth sydd yn yr adroddiad a chynnig safbwyntiau a sylwadau.
2. Cymeradwyo'r dull i'w ddefnyddio o ran archwilio i ddirprwyo cyllid cymorth ychwanegol i ysgolion a'r modelau gweithredol posibl.

## **7. PARHAU I ATAL GRANTIAU TRWSIO TAI NAD YDYNT YN FLAENORIAETH.**

Rhodddwyd ystyriaeth i'r adroddiad a oedd yn hysbysu'r Aelodau bod adolygiad ffurfiol yn cael ei gynnal o Bolisi Adnewyddu Tai Sector Preifat yr Awdurdod. Roedd yr Adroddiad hefyd yn gofyn am gymeradwyaeth y Cabinet i foratoriwm mewn perthynas â Grantiau Atgyweirio Cartrefi

arferol, a gychwynnwyd oherwydd effeithiau'r pandemig i barhau hyd nes y bydd Polisi Adnewyddu Tai Sector Preifat diwygiedig yn cael ei fabwysiadu'n ffurfiol.

Nododd y Cabinet fod yr ôl-groniad i ddechrau oherwydd y pandemig. Fodd bynnag, ers i'r cyfyngiadau gael eu codi bu materion sylweddol, megis argaeledd contractwyr a phrisiau uwch ar ddeunyddiau, sydd wedi gwaethygu'r sefyllfa gan fod y cyllid grant wedi'i gyfyngu i £10,000.

Nododd y Cabinet ymhellach fod Strategaeth Adnewyddu Tai'r Sector Preifat wedi'i hadolygu ddiwethaf yn 2014. Fodd bynnag, roedd adroddiad atodiad i'r Cabinet ym mis Gorffennaf 2018, pan gyflwynodd y Cyngor fenthyciadau.

Yn dilyn ystyriaeth a thrafodaeth, cynigiwyd ac eiliwyd bod yr argymhellion yn yr adroddiad yn cael eu cymeradwyo a chytunwyd yn unfrydol ar hyn drwy Microsoft Forms.

PENDERFYNWYD am y rhesymau a gynhwyswyd yn adroddiad y Swyddogion y dylid cymeradwyo'r moratoriwm parhaus mewn perthynas â Grantiau Atgyweirio Cartrefi nad ydynt yn flaenoriaeth mewn achosion lle nad oes bygythiad uniongyrchol i iechyd a diogelwch, wrth aros am gymeradwyaeth a gweithrediad Polisi Adnewyddu Tai Sector Preifat diwygiedig.

## **8. PAFILIWN CADETIAID A CHWARAEON AML-WEITHREDOL YM MHARC MORGAN JONES, A CHANOLFAN YMWELWYR PARC PENALLTA**

Rhodddwyd ystyriaeth i'r adroddiad a oedd yn cyflwyno i'r Cabinet diweddariad ynghylch yr anallu i symud ymlaen â chynigion a gymeradwywyd yn flaenorol i adeiladu pafiliwn cadetiaid / chwaraeon aml-weithredol ym Mharc Morgan Jones a Chanolfan Ymwelwyr ym Mharc Penallta.

Roedd yr adroddiad yn gofyn am gymeradwyaeth y Cabinet i weithredu cynlluniau amgen yn y ddau leoliad ac i ryddhau cyfraniadau cyfalaf a gymeradwywyd yn flaenorol yn ôl i gronfeydd cyfalaf yr Awdurdod.

Nododd y Cabinet fod cymeradwyaeth wedi'i rhoi ar 22 Gorffennaf 2022 mewn perthynas â chyfraniadau ariannol o £258,000 (gan gynnwys TAW) tuag at brosiect ar y cyd â'r Weinyddiaeth Amddiffyn (MOD) i adeiladu pafiliwn cadetiaid a chwaraeon aml-swyddogaethol ym Mharc Morgan Jones, Caerffili. Nododd y Cabinet yn ei gyfarfod ar 9 Mawrth 2022 bod y Cabinet wedi cymeradwyo derbyn Grant Amnewid o £903,000 gan Lywodraeth Cymru tuag at ariannu canolfan ymwelwyr amlbwrpas ym Mharc Penallta a chytunodd hefyd i ddyrannu £1,268,000 o gyllid cyfalaf.

Hysbyswyd y Cabinet bod costau'r ddau brosiect wedi cynyddu'n sylweddol fel nad yw'r cyllid a ddyrannwyd yn flaenorol bellach yn ddigonol, ac nid yw'n bosibl i'r naill brosiect na'r llall symud ymlaen fel y rhagwelwyd. Mae'r Weinyddiaeth Amddiffyn bellach yn mynd ar drywydd yr opsiwn amgen o ddatblygu cyfleuster newydd (ar y safle presennol) yn lle'r adeilad cadetiaid presennol o fewn cwrtail Parc Morgan Jones. Byddai hyn yn lletya Cadetiaid Awyr yr Awyrlu a Chadetiaid y Fyddin, ond nid y Clwb Bowls, a fyddai'n parhau i ddefnyddio'r pafiliwn bowls presennol.

Rhodddod y Prif Weithredwr wybod i'r Cabinet bod hyn wedi'i drafod ag Aelodau Ward Ystrad Mynach. Fodd bynnag, dim ond ar 18 Ebrill yr oedd hyn wedi digwydd. Gan nad oedd unrhyw sylwadau wedi dod i law eto, awgrymwyd, yn absenoldeb unrhyw ymatebion i'r ymgyngoriad, bod y Cabinet yn tybio bod Aelodau'r Ward yn hapus gyda'r cynigion a nodir yn adroddiad y Swyddogion. Fodd bynnag, os derbynnir unrhyw ymatebion i'r gwrthwyneb yna hysbysir y Cabinet, a chymerir y camau priodol.

Yn dilyn ystyriaeth a thrafodaeth, cynigiwyd ac eiliwyd bod yr argymhellion yn yr adroddiad yn cael eu cymeradwyo a chytunwyd yn unfrydol ar hyn drwy Microsoft Forms.

PENDERFYNWYD am y rhesymau a gynhwyswyd yn adroddiad y Swyddogion:-

1. Nodi'r sefyllfa wedi'i diweddarau ynghylch prosiectau i adeiladu pafiliwn cadetiaid/chwaraeon aml-weithredol ym Mharc Morgan Jones a Chanolfan Ymwelwyr ym Mharc Penallta ac na fydd cyllid a gymeradwywyd yn flaenorol nawr yn cael ei dynnu i lawr o'r cyllidebau Cyfalaf Corfforaethol.
2. Cymeradwyo'r defnydd arfaethedig o dir ym Mharc Morgan Jones ar gyfer cyfleuster Cadetiaid Awyr a Chadetiaid y Fyddin yn lle'r Awyrlu Brenhinol a fyddai'n amodol ar y gymeradwyaeth angenrheidiol gan gynnwys, pe bai angen, ystyried unrhyw gais cynllunio gan y Pwyllgor Cynllunio.
3. Cymeradwyo'r trosglwyddiad o £5,600 ynghyd â TAW o'r Gronfa Cyfalaf Corfforaethol i brynu a gosod cynhwysydd storio ar gyfer Clwb Bowlio Parc Morgan Jones.
4. Cymeradwyo trosglwyddo £321,000 o gyllideb gyfalaf y Prosiectau Corfforaethol ar gyfer adnewyddu'r camau i lawr i'r Llwybr Beicio Cenedlaethol (47) o'r cyfleuster twristiaeth ac addysgol newydd ym Mharc Fferm Colliers.

## **9. FFERM SOLAR CWM IFOR**

Rhodddwyd ystyriaeth i'r adroddiad a oedd yn gofyn i'r Cabinet gymeradwyo cyllid ychwanegol o £180,000 i symud prosiect Fferm Solar Cwm lfor ymlaen i achos busnes llawn.

Nododd y Cabinet ei fod wedi cymeradwyo gwneud fferm Solar Cwm lfor yn achos busnes llawn ar 5 Hydref 2022, gan ddefnyddio cyllidebau a gymeradwywyd eisoes. Ers hynny, bu cynnydd mewn costau nas rhagwelwyd, a bydd angen cyllid ychwanegol.

Nododd yr Aelodau hyd yma bod cyfanswm cyllideb o £483,000 wedi'i gymeradwyo i fynd â'r prosiect i'r achos busnes llawn.

Hysbyswyd y Cabinet bod y costau pellach yn ymwneud â'r gofyniad am lwybr arall i'r farchnad ar ôl i'r cwmni sy'n gweithredu'r System Prynu Deinamig (DPS) dynnu'n ôl ym mis Chwefror 2023. Nododd yr aelodau y gallai fod costau ychwanegol fel rhan o'r broses gynllunio.

Nododd y Cabinet fod mwy o sylwadau cadarnhaol na negyddol wedi'u derbyn mewn perthynas â'r ymgynghoriadau cyhoeddus a gynhaliwyd hyd yma. Mae'r sylwadau a dderbyniwyd yn dangos cefnogaeth y cyhoedd i fesurau datgarboneiddio a lleihau carbon ledled y Fwrdeistref. Fodd bynnag, dywedwyd wrth y Cabinet y bu rhai pryderon mewn perthynas ag ecoleg.

Yn dilyn ystyriaeth a thrafodaeth, cynigiwyd ac eiliwyd bod yr argymhellion yn yr adroddiad yn cael eu cymeradwyo a chytunwyd yn unfrydol ar hyn drwy Microsoft Forms.

PENDERFYNWYD am y rhesymau a gynhwyswyd yn adroddiad y Swyddogion:-

1. Cymeradwyo cynnydd yn y gyllideb o hyd at £180,000 i fynd â phrosiect Fferm Solar Cwm lfor i'r achos busnes llawn.
2. Dylai'r £180,000 ychwanegol fod ar gael o'r gronfa wrth gefn a glustnodwyd a gymeradwywyd ar gyfer cyflawni'r Strategaeth Datgarboneiddio.

## **10. CYNNIG CYMUNEDAU CYNALIADWY AR GYFER DYSGU BAND B - Y WYBODAETH DDIWEDDARAF AM YSGOL CAU'R DRINDOD**

Rhoddwyd ystyriaeth i adroddiad a oedd yn cyflwyno'r wybodaeth ddiweddaraf i'r Cabinet mewn perthynas â Rhaglen Band B Cymunedau Cynaliadwy ar gyfer Dysgu Llywodraeth Cymru mewn perthynas ag Ysgol a Chanolfan Adnoddau Cau'r Drindod.

Hysbyswyd yr aelodau bod y prosiect yn ceisio adeiladu estyniad deulawr newydd o fewn cwrtil Ysgol a Chanolfan Adnoddau Cau'r Drindod ar gyfer 80 o leoedd ychwanegol ynghyd â chyfleusterau ychwanegol.

Nododd yr aelodau y bydd yr adeilad presennol hefyd yn derbyn cyfran o waith ailfodelu, adnewyddu a gwella cyflwr er mwyn cynnig datrysiad ysgol gyfan.

Roedd yr adroddiad yn gofyn am gymeradwyaeth y Cabinet ar £1,380,783 ychwanegol sy'n cael ei neilltuo o Gronfa Creu Lleoedd yr Awdurdod mewn perthynas â'r cyfraniad ariannol cynyddol sydd ei angen i gwblhau'r cynnig ar gyfer Ysgol a Chanolfan Adnoddau Cau'r Drindod fel rhan o raglen Band B Cymunedau Cynaliadwy ar gyfer Dysgu. Gofynnwyd hefyd i'r Cabinet ystyried cymeradwyo dyraniad ymlaen llaw o £1,434,186 o gyfanswm cyfraniad y Cyngor fel yr amlinellwyd yn 5.2.9 o'r adroddiad ar gyfer gwasanaethau cyn-adeiladu, dylunio a phroffesiynol eraill gan gynnwys arolygon, archwiliadau, archebion cynnar a gwaith galluogi cyn cyflwyno Achos Busnes Llawn Llywodraeth Cymru.

Yn dilyn ystyriaeth a thrafodaeth am yr eitem, cynigiwyd ac eiliwyd bod yr argymhellion yn yr adroddiad yn cael eu cymeradwyo a chytunwyd yn unfrydol ar hyn drwy Microsoft Forms.

PENDERFYNWYD am y rhesymau a gynhwyswyd yn adroddiad y Swyddog:-

1. Cymeradwyo neilltuo £1,380,783 pellach o Gronfa Wrth Gefn Siapio Lle yr Awdurdod i ariannu cost ehangu Ysgol a Chanolfan Adnoddau Cau'r Drindod.
2. Cymeradwyo dyraniad ymlaen llaw o £1,434,186 o gyfanswm cyfraniad y Cyngor fel yr amlinellwyd yn 5.2.9 o adroddiad y Swyddog ar gyfer cyn-adeiladu, dylunio, a gwasanaethau proffesiynol eraill gan gynnwys arolygon, archwiliadau, archebion cynnar a gwaith galluogi cyn cymeradwyo Achos Busnes Llawn Llywodraeth Cymru.

Daeth y cyfarfod i ben am 2pm.

Cymeradwywyd a llofnodwyd fel cofnod cywir yn amodol ar unrhyw gywiriadau a wnaed yn y cyfarfod a gynhaliwyd ar 17 Mai 2023.

---

CADEIRYDD